



INATSISARTUT

Aningaasaqarnermut Nunamullu Namminermt Naalackersuisoq

Ulloq: 14. oktober 2014
J.nr.: 01.31.06/14-00676

Aningaasaqarnermut Akileraartarnermullu Ataatsimiititaliap ataasinngornermi ulloq 13. oktober 2014-imi aalajangiineranik Naalackersuisunut ilisimatitsineq

Ilaasunik, nassiussanik allakkanillu Kalaallit Nunaata iluani assartuussisarneq pillugu kiffartuunneqarnissamut isumaqatigiissutinik nutaanik isumaqatigiissuteqarnissamut isumaqatiginninniarnert inernerisa akuersissutigineqarfigineqarnerat. (Suliaq nr. 01.31.06/14-00676).

Naalackersuisut **inassutigaa**,

- Kontop pingaarnerup 35.01.05-ip ataani ilaasunik, allakkanik nassiussanillu Kalaallit Nunaata iluani assartuussisarnissamut tunngatillugu suliaqartuusussat ilanngussaq 1-imi taaneqartut isumaqatigiissuteqarfiginissaannut Peqqissutsimut Attaveqarnermullu Naalackersuisoqarfik Naalackersuisut piginnaatissagaat. Isumaqatigiissutinut akiusussat sivissussissaallu ilanngussaq 1-imi immersukkami allaaserineqartutut issapput. ”

Aningaasaqarnermut Akileraartarnermullu Ataatsimiititaliap oqaaseqaatai

Suliassap nukinginnartuunera pissutigalugu suliassap piaartumik ataatsimiititaliamit suliaqqinneqarnissaanik Naalackersuisut kissaataat ataatsimiititaliamit malinneqarpoq ataatsimiititaliallu qinnuteqaat ippassaq suliaraa.

Qinnuteqaammik saqqummiusseqqinneq una apeqqut pillugu ataatsimiititaliap isumaanik allanngortitsinngitsoq ataatsimiititaliap Naalackersuisunut nalunaarutigissavaa. Taamaattumik suliassaqarfik pillugu kiffartuussinissamik isumaqatigiissutit atuuttut sivitsorneqarallarnissaannik Naalackersuisut sulissutiginninnissaannik qinnuteqaatini ataatsimiititaliap uteqqissavaa.

Kiffartuussinissamik maanna isumaqatigiissutit ukioq ataatsimik sivitsorneqarnissaasa kingunerisassai pillugit Naalackersuisut nassuiaataat ataatsimiititaliamit isumaqatigiittumit tusaatissatut tiguneqarput. Naalackersuisut ilanngullugu paasissutissiissutigaa isumaqatigiissutit sivitsorneqarnerisa aningaasaqarnikkut toqqaannartumik kingunerisassai 10,330 mio. kr.-inut naatsorsorneqartut, tassani Kujataani pilersitseqqinnermut aningaasartuutissat ilanngunneqarsimangillat.

Taamaattumillu aningaasaliissuteqaqqinnissamik qinnuteqaammik Naalackersuisunngorumaartut aningaasanut inatsisip ukiuani 2015-imi nassiussinissaat ataatsimiititaliamit ilimagineqarpoq, tassani kiffartuussinissamik isumaqatigiissutit atuuttut ukiumik ataatsimik sivitsorneqarnerisigut aningaasaliissutaqqittariaqartut ilanngunneqarsimassallutik.

Tamanna tunngavigalugu kiffartuussinissamik isumaqatigiissutit atuuttut ukiumik ataatsimik sivitsorneqarnissaannik isumaqatigiissuteqarnissami isumaqatigiinniarnert inernerisa akuerineqarnissaat pillugu qinnuteqaammik Naalakkersuisut nassusseqqullugit ataatsimiititaliamit qinnuigineqarput. Qinnuteqaat taama ittoq akuersaartumik pissuseqarfigissagini ataatsimiititaliap matumuuna oqaatigissavaa.

Aningaasaqarnermut Akileraartarnermullu Ataatsimiititaliap aalajangiinera

Siuliani allaassimasut oqaaseqaatigalugit Naalakkersuisut inassuteqaataat Aningaasaqarnermut Akileraartarnermullu Ataatsimiititaliamit akuerineqanngillat.

Ataatsimiititaliaq sinnerlugu

Jens Immanuelson

Aningaasaqarnermut Akileraartarnermullu Ataatsimiititaliap siulittaasua